



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

Definitio II. Liber coaetaneus is est, qui eo circiter tempore scriptus est,
quo res in eo scriptae contigerunt.

urn:nbn:de:hbz:466:1-16260

DEFINITIO I. II. III. IV.

DEFINITIONES.

QUOD in principio facere Geometræ solent, ut rerum de quibus sunt acturi notitiam definiendo aperiant & circumscribant; deinde ut concedi fibi postulent nonnulla, quæ ab omnibus conceduntur vulgo, nec sine injuria negari posse putant; tum ut manifesta quedam & confessæ omnibus effata proponant; idem mihi faciendum est; ut ordine procedat nostra Demonstratio, & concludatur *enarratio*. Principium ergo ducamus à Definitionibus, quarum prima hæc esto:

DEFINITIO I.

Liber genuinus is est, qui ab eo auctore scriptus est, à quo scriptus esse dicitur, & eo circiter tempore, quo scriptus esse fertur.

Explicatur prima Definitione. **I.** H Erodoti puta historiam, genuinum librum dicimus, quod & Herodotum, cuius nomine inscripta est, auctorem habeat, & iis circiter lucubrata sit temporibus, quibus lucubrata esse fertur. Quamvis enim Pamphila, ex cuius verbis ætas Herodoti intelligitur, initio belli Peloponnesiaci tres & quinquaginta annos, non natum eum esse, sed natum videri dixerit, neque satis confit quo ætatis suæ anno Historiam scriperit, quia tamen paucorum annorum controversia est, non idcirco è genuinarum scriptiorum serie expungitur. Quod si Constantini temporibus confitum fuisset hoc opus, uti Jacobo Gautero persuasum fuit, in genuinorum censum neutram admitteremus. Altera hæc est Definitione:

DEFINITIO II.

Liber coætaneus is est, qui eo circiter tempore scriptus est, quo res in eo scriptæ contigerunt.

Explicatur secunda Definitione. **I.** H Ujus generis est Thucydidis historia, quippe quæ ea narret, quibus Thucydides ipse interiuit. Talis est & Xenophonis liber De expeditione Cyri, quo ea habentur, quibus Xenophon ipse præfuit. Auctores hujusmodi Lampridius Scriptores suorum temporum appellat. Docet autem Verrius Flaccus *earum propriæ rerum esse Historiam, quibus rebus gerendis interfuerit is qui narret*. Quā tamen Historiæ Definitione omissa, illam damus:

DEFINITIO III.

Historia est narratio rerum, quæ jam contigerant eo tempore, quo Historia illa scripta est.

Explicatur tercia Definitione. **I.** D IXISEM paucioribus verbis vulgus Grammaticorum secutus, Historia est narratio rei gestæ: sed cum Prophetia itidem, qua Hierosolymitanum excidium prædictur, sit narratio rei gestæ, & gestæ quidem à multis annis, jamdiu enim excisa sunt Hierosolyma, vitanda fuit ambiguitas, ut intellegaret Lector jam tum rem fuisse gestam, non modo cum hæc quam definimus legeretur historia, sed etiam cum scriberetur, atque ita Historia distingueretur à Prophetia, cujus quarto loco Definitionem pono his verbis:

DEFINITIO IV.

Prophetia est narratio rerum futurorum, quæ nondum contigerant eo tempore quo Prophetia illa edita est, quæque ex naturalibus causis prævideri non possunt.

Explicatur quarta Definitione. **I.** N AM est etiam præteriorum & præsentium Prophetia: *Prophetiza nobis, Christe, quis est qui te percussit?* aiebat impius Satelles, postquam colapho Jesum ceciderat. Sic